

նիցիմ՝ մեծ շահ է իւր. չուցիմ խիղճ ի մտի. երթայց
 և զարզս ես ինքնին տաց արքայի և սոքա վկայ են
 և երաշխաւորք¹⁾ բանի: Եւ առ նոսա պատասխանեաց
 թէ Բարի է միտք ձեր, և ի վերայ ուխտի ձերում
 կացջիք և տեսէք զպատրաստութիւն ձեր զի երթի-
 ցեմք: Եւ նոքա ասեն՝ Այո՛, տեսանիցեմք: Եւ բե-
 րին զՄուրթազան առ նա և համբուրին զմիմեամբք,
 և անդ ի բանակն առնէ Հասանն պատիւս նորա ըն-
 թրեաց և քաղաքացոցն մեծամեծաց: Մուրթազան
 ևս տեսեալ պատրաստութիւն և հրաւիրեալ կոչէ զնո-
 սա ի պատիւ ի ներս քաղաքին: Եւ զգնալն ոմանք
 ի մեծամեծաց Հասանին ոչ հաւանին այնմ, այլ Հա-
 սանն և նմանիքն նորա ոչ կասին, և մի ոմն ի մեծա-
 մեծացն մինչդեռ զգնայինն՝ ասէ. Մի՛ երթիցեմք, ո՛վ
 տէր, դարձի՛ր, մի՛ հաւատար զանձն քո ի ներքս քա-
 ղաքիդ, այլ թէ արացեն պատիւս՝ առ ի բանակս մեր
 լիցի: Այսպէս ոչ հատանէ զխօսքն մինչ ի դուռնս
 քաղաքին. եւ իբրեւ ոչ անսան, դառնայ այրն և ասէ.
 Մեղք ձեր ի զուլս ձեր: Եւ մտանէ Հասանն իւրայ-
 նովքն և մեծամեծօք և իշխանօքն ի քաղաքն ի պա-
 տիւ Մուրթազին եւ քաղաքացոց. եւ նա ոչ տանի
 զնոսա զամենայն ի մի վայր, այլ բաժանէ զնոսա մե-
 ծամեծաց քաղաքին ընդ որոց և բան եղեալ է, ո-
 րոց մի և որոց Բ: Եւ զՀասանն և զիւրքն սակաւօք
 առ իւր բերէ ի տան. և յետ հացին ի ժամանակ ա-
 ղօթիցն որ յառաջագէմն պատրաստեալ էին զինքեանս,
 և անդէն ամենայն ոք առ իւր լեալսն յանկարծապէս
 արկեալ ի վերայ նոցա ձեռս և սպանանեն, և զիղեալ
 զլէշսն մի ի վերայ միոյ և կալեալ զաւամիկսն, զի պա-
 րան եղեալ յոտիցն և քաշեալ լնուին ի տեղին (պարտոյ):
 Եւ կինն Հասանին աղաչեաց զփաշայն զի թաղեսցի:

1) երեշխաւորք.